



## Policijska akcija u Hercegovini



MARIO MAMIĆ: Blokirani računi

# Pretrjesli objekte Mamićevog sina

Službenici **SIPA-e** u saradnji sa hrvatskim **USKOK-om** jučer su pretrjesli objekte u Ljubuškom i Tomislavgradu, po naredbama Suda BiH i Tužilaštva BiH.

Akcija je provedena s ciljem pronalaženja dokumentacije i drugih predmeta koji mogu poslužiti kao dokaz da je počinjeno krivično djelo pranje novca. Pretrjeseni su poslovni i stambeni objekti koje koristi Mario Mamić, sin sin Zdravka Mamića, izvršnog dopredsjednika NK Dinamo Zagreb.

**SIPA** će, kako su saopćili iz te agencije, Sudu BiH i Tužilaštvu BiH dostaviti odgovarajuće izvještaje u vezi s ovom akcijom.

Mariju Mamiću su još ranije blokirani bankovni računi u BiH, kako privatni, tako i računi njegove firme Sport Servis MM iz Ljubuškog, te

imovina vrijedna, kako su hrvatski mediji ranije pisali, oko 2,4 miliona maraka. Hrvatsko pravosuđe tereti Zdravka Mamića, njegovog sina i još nekoliko osoba za izvlačenje novca iz Dinama.

Iz Tužilaštva BiH saopćeno je da su pretrjesi u Ljubuškom i Tomislavgradu obavljani u okviru istrage koja se vodi u Hrvatskoj i BiH protiv više osoba zbog krivičnih djela zločinačko udruživanje i zloupotreba povjerenja u privrednom poslovanju, kao i pranje novca.

Riječ je o složenoj istrazi i transakcijama u višemilionskim iznosima, a provjeravaju se i finansijske transakcije i poslovanje osumnjičenih u BiH, saopćeno je iz Tužilaštva BiH.

Akcija je provedena po osnovu zahtjeva Hrvatske za međunarodnu pravnu pomoć.